

Als
vischins direct pertuccai
dalla sanaziun dallas vias
Sumaval, Fravia e Raveras

Curaglia, 24 da fevrer 2023

Vischnaunca da Medel/Lucmagn Sanaziun Via Sumaval, Via Fravia e Via Raveras incl. conduct da providiment dil vitg da Curaglia

Preziadas damas, stimai signurs

La vischnaunca da Medel/Lucmagn sanescha uonn las vias Sumaval, Fravia e Raveras el vitg da Curaglia. Las lavurs da construcziun entscheivan previsiblamein ils 11 d'avrel 2023. Las lavurs vid las vias menziunadas dueian esser terminadas entochen miez october 2023. Plinavon vegnan era ils conducts dil providiment (aia, dismessa dall'aia, electricitad) da vischnaunca, dil providiment dall'aia e dall'Ovra electica Medel renovai.

Andament da construcziun

Las lavurs da construcziun dallas vias succedan en duas parts, numnadamein remplazzamet dil fundament e dalla cuvrada. La renovaziun dil fundament vegn realisada per tschancun dalla via en etappas. Tier la renovaziun dalla fundaziun vegnan ils conducts da providiment e las rasadas da fundaziun remplazzadas. Sil plan per las fasas da construcziun ein las etappas veseivlas. Quei plan secatta silla pagina d'internet dalla vischnaunca <https://www.medel.ch> e sche necessari vegn quel actualisau. Nus supplichein Vus da far diever da quella fontauna d'informaziun.

El meins d'avrel/matg 2023 vegnan las lavurs d'impresari vid la Via Sumaval realisadas. Silsuenter succeda la renovaziun dils conducts e la fundaziun dalla Via Fravia. Quellas lavurs cuozan entochen ca. miez zercladur 2023. Las lavurs d'impresari vid la Via Raveras han liug denter miez zercladur e la fin d'uost 2023. Las lavurs da catram entscheivan miez uost e cuozan entochen ca. miez october 2023.

Duront las lavurs da sanaziun sto vegnir quintau cun impediments ed emissiuns. Duront la fasa da baghegiar ein ils singuls tschancuns dalla via buca carrabels. Gl'access tier ils habitadis ei garantius.

Colligiazion culla tiara

Avon onns han ils possessurs da habitaziuns resp. las interpresas responsablas per las installaziuns electricas colligiau la tiara vid la lingia d'aia. Quei ei oz denton buca pli il stan dalla tecnica e sa aschia buca pli vegnir acceptau dil Providiment d'aia Medel/Lucmagn e quei ord il motiv che quellas colligiazions san caschunar donns vid il conduct d'aia. Tier sanaziuns d'ozendi vegnan las colligiazions dalla tiara da casas privatas separadas dalla lingia principala d'aia. Consequentamein sa ei capitar che la tiara per las installaziuns electricas digl object ein buca pli sufficientas.

Per garantir la segirtad ha il provediment d'aua en convegnientscha culla vischnaunca da Medel decidiu da procurar per ina colligiaziun professiunala culla tiara. Consequentamein vegn piazzau in band da colligiaziun culla tiara ella via e colligiau niev las cassas cun quel. En quei connex resultan cuosts pauschals da fr. 200.—, ils quals vegnan adossai al possessur dalla immobiglia.

Colligiaziun cull'aua da beiber e la dismessa dall'aua

Tier la sanaziun dallas vias vegnan era ils conducts d'aua e dalla dismessa dall'aua remplazzai. Quels ein per part dapli che 70 onns vegls. En quei connex ston las colligiaziuns privatas vegnir sanadas tochen agl ur dalla via. Ils cuosts per las colligiaziuns privatas pil niev sclusaduir e las adattaziuns vid la lingia ston vegnir surpris dil possessur. Ord motivs organisatorics e d'execuziun ston quellas lavurs vegnir exequidas dalla medema interpresa, la qualla ei reponsabla per las lavurs da vischnaunca e dil provediment d'aua. Ils cuosts per quellas novas colligiaziuns muntan a pauschal fr. 1'800.— e vegnan mess a quen al possessur digl object.

Haveis Vus da Vossa vart interess d'el medem mument remplazzar gl'entir conduct da provediment entochen en casa, sche supplichein nus Vus da s'annunziar tier la canzlia communal ni tiel provediment d'aua. Ils cuosts leutier ein da surprendre dil privat.

Duront las lavurs da construcziun sa ei dar el contuorn da Vies object emissiuns ni impediments tier gl'access. Nus supplichein per capientscha. Per ulteriuras damondas stat la vischnaunca da Medel ni il president dil Provediment d'aua, Alfons Venzin, bugen a disposiziun.

Access e plazz avon casa

Adattaziuns tier ils access ed ils plazz avon casa ein inevitablas. Ins vegn a prender tut risguard da tener quellas aschi minimas sco pusseivel. Haveis Vus il giavisch da vuler cumbinar la sanaziun digl entir plaz avon casa culla renovaziun dalla via saveis Vus s'annunziar tier la canzlia communal. Quels cuosts supplementars ein da purtar dil privat.

Cordials salids

Vischnaunca Medel/Lucmagn

Il president communal: Il canzlist:

Claudio Simonet

Valentin Pally

Provediment d'aua Medel

Il president:

Alfons Venzin

copia

Cavigelli Ingenieure AG, Via Sorts 27, Postfach 115, 7130 Ilanz